


TEZAUUR LITURGIC

15 SEPTEMBRIE

ACATISTUL SF. MARE MUCENIC NICHITA GOTUL



MOSCOVA, 2000



Акафист

СВЯТОМУ ВЕЛИКОМУЧЕНИКУ

Никите

Кондак 1

Изб́ранный страстоте́рпче Христо́в и до́блйи
во́ине Царя́ царей́, Никито́ пресла́вне, ору́жием
Креста́ враги́ ви́димыя и неви́димыя кре́пце
победи́вый и во всесо́жже́ние ту́чное, я́ко
же́ртву благополу́чну, себѣ́ сама́го Го́сподеви
принеси́й, в пе́снях с лю́бовию восхваля́ем тя́,
свята́го предста́теля на́шего, и ра́достно тебе́
вопи́ем:

Ра́дуйся, вели́комучени́че и чуде́творче
Никито́.

И́кос 1

А́нгельски на земли́ пожи́в, побе́ды
тезоимени́те вели́комучени́че Никито́, ты́ я́ко
а́нгел благи́й в стране́ Го́тфстей просия́л еси́,
ве́ру Христо́ву лю́дем, тьмо́ю неве́рия
помраче́нным пропове́дуя, те́мже апо́столом
ра́вный дея́нии твои́ми показáлся еси́. Мы́ же по

до́лгу тѧ́, ꙗ́ко проповѣ́дника Христо́ва, ублажа́ем,
со умилѣ́нием зову́ще тѧ́ си́це:

Ра́дуйся, благове́стниче Ева́нгельския
и́стины;

ра́дуйся, язы́ческое нече́стие попра́вый.

Ра́дуйся, ве́ру Христо́ву возлюби́вый;

ра́дуйся, страну́ Го́тфскую духо́вно
просвети́вый.

Ра́дуйся, диа́вола и слуги́ его́ обличи́вый;

ра́дуйся, по и́мени твоему́ те́х победоно́сно
низложи́вый.

Ра́дуйся, да́же до кро́ве во испове́дании
Христо́ве послужи́вый;

ра́дуйся, муче́ния многови́дная за Христа́
до́блестно претерпе́вый.

Ра́дуйся, огне́м всесожже́нный и во оби́тели
ра́йския вознесе́нный;

ра́дуйся, же́ртва непоро́чная Тро́ице Святе́й
яви́выйся.

Ра́дуйся, сто́лпе кре́пкий Святы́я Це́ркве;

ра́дуйся, красото́ и основа́ние ве́ры
Христо́вы.

Ра́дуйся, великомучени́че и чудотво́рче
Ники́то.

Конда́к 2

Ви́дев Афа́на́рих, лю́тый хри́стиа́н мучи́тель,
ка́ко святы́й Ники́та ве́ру Хри́сто́ву в Го́тфех
победоно́сно пропове́дует, а́ки зве́рь дивный на́нь
устремис́я и му́ками лю́тыми содро́бляше то́го
те́ло; о́баче му́жества ду́ши е́го поколеба́ти не
возмо́же, за́не то́й победи́тель мучи́телей явля́ся,
победоно́сно воспева́ше Хри́сту Бо́гу: Аллилу́иа.

И́кос 2

Разуме́в му́к телесных безбе́дность, я́ко на
пи́р, на муче́ния за Христа́ изше́л еси́, свя́те
Ники́то, ико́ну Пресвяты́я Богоро́дицы с собо́ю
име́я, с не́юже и во все́х му́ках неразлу́чен
пребы́л еси́ и, то́я си́лою благода́тно укрепля́ем,
победоно́сно пу́ть муче́ний проше́л еси́, и от
Христа́ увенча́лся еси́, на́с же навча́еши вопи́ти
тебе́ такова́я:

Ра́дуйся, о нёмже возра́довашася А́нгели;

ра́дуйся, ему́же удиви́шася челове́цы.

Ра́дуйся, кре́пкого терпе́ния адама́нте;

ра́дуйся, соверше́ннаго му́жества о́бразе.

Ра́дуйся, диа́вола победи́телю;

ра́дуйся, всѣхъ слугъ его́ посрамíteлю.

Ра́дуйся, во́ине Христо́в непобедíмый;

ра́дуйся, крѣст Христо́в во ору́жие побѣды
приѣмýй.

Ра́дуйся, тѣмъ вся́ врагí низложíвый;

ра́дуйся, в броню́ вѣры Христо́вы
облечѣнный.

Ра́дуйся, от Христо́вой десни́цы свѣ́ше
увенча́нный;

ра́дуйся, а́нгельскимъ ликомъ сопричтѣ́нный.

Ра́дуйся, великомучени́че и чудотворче́
Никíто.

Конда́к 3

Си́ла Бо́жия в тебѣ́, Никíто великомучени́че
добропобѣ́дне, сла́вно просла́вился, не то́кмо бо
мучи́теля Афана́риха, но и сама́го диа́вола
терпѣ́нием твои́м победíл еси́, и му́жество души́
твоея́ яви́в, огнёмъ всесо́жжегся, я́ко фѣ́никс, в
вѣ́чной жи́зни обновíлся еси́ и во оби́тели
го́рняя душе́ю твоёю возлетѣ́л еси́, во ё́же со
а́нгелы пѣ́ти Бо́гу: Аллилу́иа.

И́кос 3

Име́яй ве́лию о Христе́ крѣпость, вре́менныя му́ки, мучи́телем тебе́ налага́емая, Никито́ премудре, ни во что́же вмени́л еси́ и раду́ясь во о́гнь вше́л еси́: во о́гнь бо, я́ко в цвѣтнице, сла́ву Бо́жию воспѣ́л еси́. Те́мже и мы́ тя сла́вим и воспева́ем гла́сы таковы́ми:

Ра́дуйся, страстоте́рпче Христо́в, в чудесе́х предивный;

ра́дуйся, во о́гнь сме́рть вкусивый и не опале́н пребы́вый.

Ра́дуйся, Афана́риха и клеврѣты егѡ́ сим удиви́вый;

ра́дуйся, вся ве́рныя утѣшивый.

Ра́дуйся, все́м о Го́споде терпя́щим утвержде́ние;

ра́дуйся, лени́вым и слабоду́шным обличѣ́ние.

Ра́дуйся, чудесы́ мно́гими по сме́рти просла́вленный;

ра́дуйся, благода́ть целе́бную от Го́спода прие́мый.

Ра́дуйся, Го́тфския страны́ сла́во и похвало́;

ра́дуйся, Це́ркви святы́я ра́дование и
утеше́ние.

Ра́дуйся, святы́й предста́телю и моли́твенниче
на́ш ко Го́споду;

ра́дуйся, оби́тели сея́ святы́я при́сный
засту́пниче.

Ра́дуйся, во́ине Иису́сов добропобе́дный;
ра́дуйся, люби́миче Его́ преи́скренний.

Ра́дуйся, великомуче́ниче и чуде́творче
Ники́то.

Конда́к 4

Бу́ря лю́тых му́к не пото́пи кора́бля́ ду́ши
твоея́, Ники́то предивне, но приведе́ тя к ти́хому
блаже́нства ве́чнаго приста́нищу; кресто́м бо
Христо́вым воору́жився, свя́те, преше́л еси́ о́гнь
муче́ний невре́димо и дости́гл еси́ в ве́чный
поко́й, иде́же сла́дце пое́ши Христу́ Бо́гу пе́снь:
Аллилу́иа.

И́кос 4

Слы́шавше, диви́шася христиа́не, ка́ко звезда́
лучеза́рная в но́щи дру́гу твоemú Мари́ану
святы́я мо́щи твоя́, муче́ниче Ники́то, пока́за,
яко́же дре́вле волхва́м в Вифле́еме Христа́
ро́ждшагося. О се́м у́бо Мари́ан ра́дуясь, че́стно

тѣло твоѣ, страсотѣрпче, в домѹ своѣм
погребаѣт, сице к тебѣ взывая:

Радуйся, уго́днице Бо́жий, на небеси́ и на
земли́ просла́вленный;

ра́дуйся, венце́но́сче добропо́бѣдный.

Радуйся, сокрови́ще исцелѣ́ний многоце́нное;
ра́дуйся, мироуха́нный райскаго прозябе́ния
цвѣте.

Радуйся, небе́сных ра́дование и земных
утеше́ние;

ра́дуйся, боля́щих безме́здное врачева́ние.

Радуйся, пресвѣ́тлаго му́ченическаго
вои́нства добро́то;

ра́дуйся, ве́рных некра́домое бога́тство.

Радуйся, небе́сным зна́мением погребѣ́ние
честно́е улучи́вый;

ра́дуйся, да́ры благода́тными дру́гу твоѣму́
возда́вый.

Радуйся, изоби́лием бла́г земных до́м его́
благослови́вый;

ра́дуйся, чуде́сы мно́гими о́ный просла́вивый.

Ра́дуйся, великомучени́че и чудотво́рче
Ники́то.

Конда́к 5

Боготе́чный исто́чник исцелéний яви́ся в
дому́ Мари́ана грóб тво́й честный, свя́те Ники́то,
егда́ то́й в страну́ грéческую пресели́вся, мо́щи
твоя́ святы́я та́мо пренесе́ и в хра́ме Бо́жием, во
и́мя твоё создáнном, о́ныя положи́ на о́бщее
поклонéние вёрным, Бо́гу, тя́ просла́вльшему,
воспе́вшим: Аллилу́иа.

И́кос 5

Ви́девше чудеса́ пресла́вная, Ники́то свя́те, от
мощéй твои́х истека́ющая, Авксéнтий епи́скоп
восхоте́ часть их в и́ный гра́д отде́лити; но того́
начина́ние дерзнове́нное а́бие воспя́тил еси́ и
ру́ку, мо́щем твои́м прикосну́вшуюся,
омертвéнием порази́л еси́, дóндеже Авксéнтий
о́ный с пока́нием к тебе́ припаде́ и, исцелéние
от тебе́ прия́в, си́це глаго́лаше:

Ра́дуйся, долготерпели́вый Христо́в
подража́телю;

ра́дуйся, с наказáнием твои́м ми́лость и мнé
яви́вый.

Ра́дуйся, начинáние дерзновénное чудéсно
воспяти́вый;

ра́дуйся, усóхшую ру́ку áбие исцели́вый.

Ра́дуйся, и по смёрти о Христé жив
пребывáяй;

ра́дуйся, и по умёртвии чудеса́ соверша́яй.

Ра́дуйся, нетлénием просла́вленный на земли́;

ра́дуйся, за по́двиг тво́й венча́нный на
небеси́.

Ра́дуйся, извёстный умило́стивителю Царя́
Христа́;

ра́дуйся, за вёрных мо́щный пред Ним
предста́телю.

Ра́дуйся, и согрешáющия вразумля́яй;

ра́дуйся, и малове́рныя умудря́яй.

Ра́дуйся, великомучениче и чудотво́рче
Никито́.

Конда́к 6

Пропове́дуем чудеса́ тво́я, не тайм ми́лостей
твои́х целе́бных, великомучениче Никито́; от лёт
бо дрéвних отце́м на́шим сия́ ве́домы бы́ша, и
хра́мы Бо́жии во и́мя твоё́ свято́е в стране́
на́шей Росси́йстей созида́хуся, иде́же и ли́ка

твоего́ обра́зи чуде́сы просла́вишася, и вся́
ве́рныя в ве́ре утвержда́ют, к небеси́ же сердца́
их восхища́ют, пою́щих Бо́гу: Аллилу́иа.

И́кос 6

Воссия́ша чуде́са мно́гая от святы́я ико́ны
чудотворца́ Никиты́, во оби́тели его́
пребыва́ющия и вся́ ве́рныя к пе́нию му́ченика
подвиза́ющия; те́мже и мы́ с любóвию святу́ю
па́мять его́ чтим и пе́сенно ему́ вопи́ем:

Ра́дуйся, чуде́с исто́чнице преизоби́льный;

ра́дуйся, ми́лости пода́телю предивный.

Ра́дуйся, победоно́сче, Бо́гом просла́вленный;

ра́дуйся, целе́бнице неду́гов душе́вных и
телесных.

Ра́дуйся, боля́щих младенцев прі́сный
врачевáтелю;

ра́дуйся, скорбя́щих и уныва́ющих
благода́тный посетите́лю.

Ра́дуйся, си́лы диа́вольстей кре́пкий
посрамите́лю;

ра́дуйся, на ду́хи нечи́стыя вла́сть от Го́спода
прие́мый.

Ра́дуйся, де́йства диа́вольскаго от челове́к
прогони́телю;

ра́дуйся, от бесно́вѣнія лю́таго стра́ждущих
свободи́телю.

Ра́дуйся, апо́стольских даро́в прие́мниче;

ра́дуйся, а́нгельския крото́сти подража́телю.

Ра́дуйся, вели́комучени́че и чуде́творче
Никито́.

Конда́к 7

Хотя́щим на́м сла́вити по́двиги тво́я и чуде́са,
вели́комучени́че пресла́вне, помози́ свѣ́ше
да́нною ти́ благода́тию, серде́ца же на́ша от
грехо́вных помышле́ний очи́сти, да досто́йно и
неосу́ждено просла́вим тя́, о тебѣ́ воспева́я
Христу́ Бо́гу хвале́бную пе́снь: Аллилу́иа.

И́кос 7

Ди́внаго победоно́сца и сла́внаго во́ина
Христо́ва, Никиту́ вели́коимени́таго кто́
просла́вит по достоя́нию от земноро́дных; се́й бо
Вели́ара победи́ и вся́ слуги́ его́ низложи́, Христа́
же, Царя́ и Бо́га, ве́рно да́же до сме́рти испове́да
и от Него́ просла́влен бы́сть. Те́мже, в хра́ме Его́
святе́м лику́юще и пред чуде́творно́ю ико́ною
того́ моля́щеся, взы́ваем та́ко:

Ра́дуйся, в юдо́ли се́й земно́й на́ше утеше́ние;
ра́дуйся, по Бо́зе и Пресвяте́й Богоро́дице
на́ше упова́ние.

Ра́дуйся, а́нгельских лико́в собесе́дниче;
ра́дуйся, святы́х все́х соприча́стниче.

Ра́дуйся, му́ченическаго пресве́тлаго собо́ра
сия́ющая звездó;

ра́дуйся, от го́рних высóт нас грéшных
посеща́й.

Ра́дуйся, да́ры целе́бныя земноро́дным
подава́й;

ра́дуйся, к бе́дствующим на по́мощь
ускоря́й.

Ра́дуйся, моля́щихся моли́твы ми́лостиво
прие́мляй;

ра́дуйся, любя́щим тя́ любо́вию свято́ю
воздава́й.

Ра́дуйся, всеще́дрый и ми́лостивый на́ш
предста́телю;

ра́дуйся, всеблагий и скоропредста́тельный
на́ш покрови́телю.

Ра́дуйся, великому́чениче и чудотво́рче
Ники́то.

Кондак 8

Странствие земное совершив и путь мучений
прошед победоносно, великомучениче Никито,
от дел благотворения не почил еси, но от горних
высот обитель твою и люди, верно тебе
молящиеся, назирая, различная нам подавши
дарования: дадеся бо тебе от Господа велия
благодать недужныя врачевати, обидимыя
заступати, сиротствующия младенцы
окормляти. Темже благодарно ты славим и Богу,
ты прославльшему, поём песнь: Аллилуиа.

Икос 8

Весь в Боже быв, страстотерпче Христов, о
Боже чудеса многия совершил еси в жизни и по
смерти и, дерзновение к Тому получив, выну
молишися за люди христоименитыя и верно ты
на помощь призывающим пособствуеши. Не
остави убо и нас благодатною твоею помощью и
заступлением, да благодарно тебе зовём:

Радуйся, предивный христиан помощниче;

радуйся, преславный верующих заступниче.

Радуйся, великоименитый воинов
споборниче;

радуйся, вдовиц, и сирот прибежище.

Ра́дуйся, в со́ниих и ви́дѣнїих ве́рныя
посеща́й;

ра́дуйся, в беда́х и напа́stech их на по́мощь
ускоря́й.

Ра́дуйся, победы тезоименітый;

ра́дуйся, венценосче нарочитый.

Ра́дуйся, святы́я Це́ркве кре́пкий сто́лпе;

ра́дуйся, правосла́вных щите и забра́ло.

Ра́дуйся, ца́рскаго ски́птра утвержде́ние;

ра́дуйся, правосла́внаго ца́рства сохране́ние.

Ра́дуйся, великомучениче и чудотворче
Никіто.

Конда́к 9

Всі́ сы́нове Россі́йстїи от лѣт дрѣ́вних
проповѣ́дуют благода́тную твою́ по́мощь во
бра́нѣх, Никіто предивный, ꙗ́ко во́ем
правосла́вным прі́сно на супоста́ты
пособствуеши и моли́твами тво́ими на
инопле́мѣнники, вою́ющія на нас и на ве́ру
на́шу, пра́во победы на́м да́руеши: сїе́ бо во дни́
наше́ствїй тата́рских мно́жицею от лѣт дрѣ́вних
отцы́ на́ша увѣдеша. Те́мже, тя́ по до́лгу
ублажа́юще, поѣм о тебѣ́ Бо́гу: Аллилу́иа.

И́кос 9

Ветийство наше не довлéет прослáвити тѧ по достоя́нню, великомучениче Христо́в Никито́, о́баче ты́, ꙗко́ благий и ми́лостивый подража́тель Христо́в, не возгнуша́йся на́ших убо́гих песноглаше́ний, но приими́ сѧ в блага́, произво́ления серде́ц на́ших ве́дый, и неотсту́пен бу́ди на́м помо́щник, вся́ блага́я да́руя на́м твои́ми моли́твами, да благоуми́ленно тебѣ́ зове́м:

Ра́дуйся, ке́дре благосенноли́ственный, и́мже покрыва́ются мно́зи;

ра́дуйся, цвѣте прекра́сный, и́мже утеша́ются лю́дие.

Ра́дуйся, ма́слино благопло́дная, елѣ́й ми́лости на́м оби́льно источа́ющая;

ра́дуйся, кипари́се са́да Христо́ва, приходя́щая к тебѣ́ благоуха́й.

Ра́дуйся, христолю́бному во́инству невиди́мый воево́до;

ра́дуйся, иновѣ́рных во́ев стра́х и пораже́ние.

Ра́дуйся, страны́ христиа́нския великоимени́тый покрови́телю;

ра́дуйся, со святи́телем Никола́ем при́сный ея́
предста́телю.

Ра́дуйся, на нечести́ваго Мама́я вели́кому
кня́зю Дими́трию невидимо посóбствова́вый;

ра́дуйся, царю́ Иоáнну под Каза́нию
благода́тно спобóрствова́вший.

Ра́дуйся, соименна́го ти́ боля́рина Рома́нова,
твоего́ усер́днаго чтите́ля, родонача́льника до́ма
ца́рскаго яви́вый;

ра́дуйся, хра́м Бо́жий, во и́мя твоё́ им
созда́нный, благоволе́нием твои́м осеня́ый.

Ра́дуйся, вели́комучени́че и чудотво́рче
Ники́то.

Конда́к 10

Спа́са Христа́ за лю́ди, тя́ чту́щия, умоли́,
Ники́то чудоде́йственне, и, я́коже отце́м на́шим
дре́вле, та́ко и ны́не на́м смире́нным во блага́я
посóбствовати не преста́й, страстоте́рпче
Христо́в, победы́ тезоимени́те, но и на враги́
одоле́ние у Го́спода наро́ду на́шему испроси́, да
сла́вим тя́ при́сно и поём Царю́ царей́ победну́ю
пе́снь: Аллилу́иа.

И́кос 10

Стено́ю моли́тв твои́х, вели́комучени́че
Ники́то, оби́тель твою́ святу́ю вы́ну сохра́няй от
вся́каго зла́ и в не́й вся́ живу́щия и
подвиза́ющия путе́м пра́вым во Ца́рствие
Христо́во руководи́, зане́ даде́ся тебе́ благода́ть
моли́тися о лю́дех. Сего́ ра́ди со усер́дием тебе́
поём:

Ра́дуйся, де́вственных ли́костоя́ний
неотсту́пный храни́телю;

ра́дуйся, де́в и вдови́ц, благоче́стно
иночеству́ющих, небе́сный наста́вниче.

Ра́дуйся, моли́твами твои́ми, я́ко ко́кошь
птенцы́ своя́, нас сохра́няй;

ра́дуйся, я́ко оре́л крыла́ма свои́ма, нас
покрыва́й и соблюда́й.

Ра́дуйся, ста́рым седи́нам си́лы обновля́й;

ра́дуйся, ю́ным в благоче́стии и целому́дрии
утвержде́ние.

Ра́дуйся, нача́льствующим во благо́
помощни́че;

ра́дуйся, все́м ревну́ющим о спасе́нии
при́сный споспе́шниче.

Ра́дуйся, чуде́сы твои́ми нас утеша́яй;
ра́дуйся, враги́ невиди́мыя от нас отража́яй.
Ра́дуйся, ца́рствующаго гра́да свяще́нное
украше́ние;
ра́дуйся, небе́снаго ра́я све́тлый гражда́нине.
Ра́дуйся, вели́комучени́че и чуде́творче
Ники́то.

Конда́к 11

Пе́ние моле́бное на́ше, пред чуде́творною
ико́ною твоёю прино́симое днёсь, ми́лостиво
услы́ши, вели́комучени́че Хри́стов Ники́то, и
утро́бу щедро́т твои́х не затвори́ нам, вы́ну
тре́бующим твоея́ благода́тныя по́мощи, но бу́ди,
я́коже и до днёсь бы́л еси́, благи́й на́ш
предста́тель и при́сный за ны́ ко Го́споду
моли́твенник, да о тебе́ ра́дующеся и Бо́га
сла́вяще, поём Е́му: Аллилу́иа.

И́кос 11

Светоза́рный свети́льник и предивный
чудотво́рец вели́комучени́к Ники́та яви́ся, то́й бо
от ле́т дре́вних оте́чество на́ше и оби́тель на́шу
свои́ми моли́твами и щедро́тами не оставля́ет,
но я́ко победи́тель, вся́ враги́ на́ша ви́димыя же
и невиди́мыя отража́ет и благоче́стно в ми́ре

жѣти насъ устрѣетъ. Тѣмже и отъ насъ, уго́днице
Бо́жий, сие́ благодарное славосло́вие приими́:

Ра́дуйся, вели́кий на́ш предста́телю;
ра́дуйся, на́ших враго́в невидимыхъ
победите́лю.

Ра́дуйся, преобладáти ѿм надъ на́ми не
попущáяй;
ра́дуйся, вся́ ко́зни ѿх, áки паучи́ну,
расторга́яй.

Ра́дуйся, и въ часъ смѣртный любящихъ и
чтущихъ тя не оставл́яй;
ра́дуйся, отъ насѣ́лїа дїавольскаго ѿх мо́щно
сохран́яй.

Ра́дуйся, о спасѣ́нии на́шем Бо́га вы́ну
умоля́яй;
ра́дуйся, на мытарствахъ возду́шных вѣрнымъ
по́мощь твою́ явля́яй.

Ра́дуйся, и на земли́ неду́гов лю́тыхъ
прогоните́лю;
ра́дуйся, болѣ́зней неисцели́мыхъ целите́лю.
Ра́дуйся, безнаде́жныхъ наде́ждо;
ра́дуйся, христиа́н похвало́.

Ра́дуйся, великомучениче и чудотворче
Никито.

Конда́к 12

Благода́ть Бо́жию ви́дим от святы́я и
чудотворны́я ико́ны твоея́ де́йствующую,
Никито великоимените, к ней бо с ве́рою
притека́ющие исцелёния получа́ют и здра́вы из
хра́ма твоего́ отхо́дят, те́мже и мы́ тво́й
свяще́нный о́браз благоговейно почита́ем и с
любо́вию лобыза́ем, и поём тобо́ю
чудоде́йствующему Христу́ Бо́гу: Аллилу́иа.

И́кос 12

Пою́ще твоя́ ми́лости и мно́гое к страждущим
сострада́ние, великомучениче Никито, сла́вим и
велича́ем тя, Бо́гом возвели́ченнаго, и от любве́
сердечны́я воспева́ем ти́ пёсны таковы́я:

Ра́дуйся, бе́дствующих ско́рый помо́щниче;
ра́дуйся, богаты́щихся вразумле́ние.

Ра́дуйся, все́й Росси́и Бо́гом да́нный
покрови́телю;

ра́дуйся, оби́тели твоея́ при́сное ра́дование.

Ра́дуйся, ходата́ю о ней немолча́ный;

ра́дуйся, моля́щихся врачу́ безме́здный.

Ра́дуйся, ко исцелѣнію еди́ныя то́кмо ве́ры
тре́буяй;

ра́дуйся, ду́ши и телеса́ исцеля́яй.

Ра́дуйся, ве́рным вы́ну помога́яй;

ра́дуйся, малове́рных в ве́ре утвержда́яй.

Ра́дуйся, ве́ры отвраща́щихся гро́зно наказа́яй;

ра́дуйся, стра́ха Бо́жия учи́телю.

Ра́дуйся, де́рзости самочи́нныя обличи́телю.

Ра́дуйся, великомучени́че и чудотво́рче
Ники́то.

Конда́к 13

О вели́кий уго́дникъ Бо́жий, страсоте́рпче
Христо́в и чудотво́рче Ники́то! Вонми́ моли́тве
на́шей и ма́лаго моле́ния сего́ на́шего не прѣзри,
но Христа́ Бо́га умоли́ изба́виться на́м от
муче́ний ве́чных, небѣснаго же Ца́рствія чрез
покая́ние сподо́битися, да с тобо́ю воспоѣм на
земли́ живы́х пѣснь Бо́гу: Аллилу́иа.

Этот конда́к чита́ется три́жды, затѣмъ и́кос 1 и
конда́к 1.

Моли́тва

О, вели́кий страсоте́рпче Христо́в и
чудотво́рче великомучени́че Ники́то!

Припадающе к святому и чудотворному образу твоему, подвиги же и чудеса твоя и многое сострадание твое к людям прославляюще, молим тя прилежно: яви нам, смиренным и грешным, святое и многомощное твое заступление, се бо грех ради наших не имамы свободы чад Божиих, еже о потребах наших Господа и Владыку нашего дерзновенно просити, но тебе молитвенника к нему благоприятного предлагаем и о твоём предстательстве взываем, испроси нам у Господа благопотребныя дары душам и телесам нашим, веру правую, спасения надежду несумненную, любовь же ко всем нелицемерную, во искушениях мужество, в злостраданиях терпение, в молитвах постоянство, душ и телес здравие, земли плодоносие, воздуха благорастворение, житейских потреб довольство, мирное и благочестное на земли житие, христианскую жития кончину и добрый ответ на страшнем судище Христовом. Молим тя, страстотерпче Христов, молися Господеви: всем же людям православным яви твое святое заступление: болящия исцели, скорбящия утеша, бедствующим помози. Ей, угодниче Божий и мучениче долготерпеливый! Не забуди святую

обѣтель твою́ и вся́ живу́щия в не́й и подви́зающі́яся і́нокини же и мирскі́я, но поспеши́ им в смире́нии и терпе́нии носі́ти і́го Христо́во и от вся́ких бе́д и искуше́ній ми́лостивне изба́ви. Всѣ́х у́бо нас приведи́ в ти́хое приста́нище спасе́ния и насле́дники сподо́би бы́ти пресве́тлаго Ца́рствія Христо́ва святы́ми тво́ими моли́твами, да сла́вим и поѣм вели́кия щедро́ты Отца́, и Сы́на, и Свята́го Ду́ха, в Тро́ице сла́вимаго и покланя́емаго Бо́га, и твоѐ свято́е заступле́ние во ве́ки веко́в. Ами́нь.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО